

閩侯縣志卷九十八

列女五上 節烈

閩縣

林昭璉嘉定進士羅國獻妻于歸甫半載夫出按滇中殉難氏居閩長齋誦經終以上宋

劉氏前行省都事賈訥母大德聞以上元

張氏王英妻夫客死氏扶柩還葬洪武初有武臣欲以重賄逼致之氏矢以死置刀自防 陳坤正王賓興妻夫歿子四歲舅司鐸粵東姑年老不

忍以孤雛重為姑累乃忍艱撫孤子國有補郡學生孫曾多入黌序 劉氏王復之妻夫死劉咬一指殉棺中孀守終 張氏王華石妻撫幼孤課

孫曾成立 王氏楊和生妻夫亡子永尚幼家貧苦守後永登宣德進士官御史 林秀卿楊文正妻夫歿上奉翁下訓二子子淑玉廩生孫一謨

嘉靖乙未進士官貴州參議 羅氏楊珙妻夫亡撫一子二女力貧教之

閩侯縣志 九八 列女五上 一
子復卒羅氏依女以居 王氏楊源繼妻夫卒撫嫡子澄如已出勤女紅以養老姑後澄領鄉薦典教諸暨盱眙俱迎養 潘氏陳啟妻子傳正統

進士 林氏陳鳳岐妻子聯芳嘉靖進士 張氏陳正謨妻子公陞嘉靖進士 唐氏陳暉妻夫亡無子以夫姪定為嗣定又卒撫孫良默艱苦七

十餘年 胡氏陳瑤妻夫死無子誓不重適其娣王氏夫住亦早夭或勸改適王曰獨不媿夫嫂耶娣姒相依遂各立後以終 張氏陳賢妻夫溺

死氏產遺腹子家貧舅姑老氏日則授女徒夜則辛勤紡績焉 林氏陳紹惠妻夫死子寬方週歲晝夜勤生理以撫孤寬又卒撫諸孫 黃氏陳

時起妻舉人陳堯若母夫歿矢志存孤奉翁姑甘旨不衰 鄭氏參政陳全妾生子邦涑夫卒撫孤成立涑又卒偕婦林氏孀守數十年育孫國楨

孫婦林氏又寡遺孤世任 王氏陳穎封妻夫客死氏不忍火夫柩貧甚日兩食無完衣常號泣以運櫬為念眾憐其節助葬之 林淑琬陳昌大

妻夫卒姑老子懋莊鄉塾遲歸氏輟食哭曰爾父不能繼武北山公爾復



放縱恨不早從九原矣子跪床下夜分色解乃起 高氏舉人鄭世澤妻
子餘慶正統舉人 鄧氏鄭坦妻能口誦列女傳孝經坦卒父母憐其少
微諷之鄧引刀斷兩耳以坦姪雲鎬爲後雲鎬舉隆慶鄉薦氏著有風教
錄讀岳鄂王傳詩 張氏諸生鄭洛妻子燿萬曆舉人 林氏鄭鏗妻夫
與兄俱死母年七十餘其姊遺孤於林而別嫁林痛姑老而姊所遺孤與
已子俱幼誓不嫁躬採薪拾穗以養姑二年子又殤族黨歲輸穀食之後
姑死林爲喪葬且代姊所遺孤婚娶焉 林淑珍鄭龍唵妻夫卒於官矢
節撫孤喪葬無憾 陳氏舉人李烜妻天順間夫會試場屋火死焉舅姑
老子賓四歲家貧甚氏拮据營葬養遺孤 劉淑馨李岳妻寡時男六歲
內外期功無一足恃艱難備嘗後二孫同領鄉薦次孫廷美登甲第 王
氏李海若妻夫早卒生子時健又卒與媳張氏撫兩世孤俱以壽終 林
氏高明妻子圭天順舉人 黃氏林濬妻子宏綱弘治歲貢 王氏舉人
林忻妻子文讚弘治進士 許氏林絡妻孫堪嘉靖舉人曾孫材萬曆進
士 何淑姿諸生林廣妻寡時子擇始生矢死守節後擇先母卒妻朱氏
亦堅忍奉姑 陳氏林焯妻夫客死氏攜孤懋和歸撫教之後懋和官至
方伯 陳與姐林鏡妻夫早夭氏慟不欲生姑解之曰婦有娠今幸而生
男可延一線之脈氏忍死以俟彌月舉一男甫週而殤氏慟哭幾絕姑又
再三解之曰婦當事我餘年氏遂屏葷茹素奉姑至耄 郭氏葉時彥妻
夫卒撫其子理娶婦朱氏亦寡遺腹孤順二婦撫而長之 陳氏葉英妻
子繼熙嘉靖舉人 林氏葉維節妻年二十七寡養姑撫嗣不易其志
葉氏劉文賦妻孫世揚正德進士 王氏劉聰妻夫亡無子撫二女嫁之
陳氏鄧煒妻子原玉嘉靖舉人 吳氏鄧標妻夫卒遺孤煌三歲課督
成立 孫氏張連妻曾孫炳萬曆舉人 趙氏張一鵠妻武舉天球母也
夫病刲股以進不效自毀其形 徐氏張岱妻岱死截髮誓不嫁時舅年
七十雙瞽夫又無子氏鬻田園置妾蔣氏以奉舅扃一室南啟小牖進飲
食北穿小竇出洩便具曲意事蔣三年蔣生男世崇二歲而舅卒蔣亦不

嫁與徐共撫以終 楊氏趙國泰妻孀居家貧姑劉氏失明病篤氏叩天請代割股和藥以進姑病愈眼復明當事奏聞每歲賜穀十石 吳氏趙聰妻夫卒有老姑幼子惡笄垢服日爲鄉鄰女子師暇則躬紡績以給二子爲學後長子正領鄉薦次子曾舉明經同赴京師正授電白訓導曾授本郡學訓導抵家省視吳已得疾相見數日卒 鄭氏余尚春妻夫客死氏扶柩歸祖姑及姑又相繼亡家貧三喪未舉或勸從俗火葬鄭不從葬之以禮後子亮領景泰鄉薦 李淑善曾理瓊妻夫卒子幼茹荼勵操將卒正襟危坐召子孫教戒之乃終 陳氏知府孟圯繼妻子曷弘治舉人 鄒氏莊宏紳妻子嚴嘉靖舉人 曾氏學正羅惟遠妻夫卒前妻子一鸞氏撫之如已出夫素慷慨好施氏咸將順夫死有姻家負其金二百氏取券焚之曰吾夫志也嘉靖閒以子貴封恭人 林氏方山黃某妻夫亡子智在乳撫智成立爲延平訓導 董氏諸生孫逢機妻夫亡孤甫七歲氏嚴督課每踰闌遊戲輒令跪不與飲食夜績坐孤於側令諷所業不丙

閩侯縣志

九八

列女五上

三

夜不休精治葛細如縠人稱節婦葛爭厚售之藉以奉甘旨後孤亦成名 潘氏謝璣妻夫歿舅姑老而貧未幾舅死姑又盲朝夕扶持既卒奉柩合葬蠶績給孤其後子鏞爲霑化訓導 林與芳吳爾雅未婚妻幼許吳而夫卒女年十六欲奔喪父母難之女重違父母意齋素自持不履闕外者十二年臨死曰葬必歸吳合掌念佛而瞑 廖璧彭夢槐未婚妻歸彭有期夫舟行溺死女聞訃卽欲自經母防視弗獲乃請於祖母及母往視殮撫屍慟哭遂守喪不去 陳益使林佐未婚妻佐未娶而卒氏持齋誦經壽五十 王淑京薛高未婚妻夫夭女欲奔喪其兄以未承父命不許無何父卒於南都女縞衣茹素科髮垢容坐卧小樓上九年其翁乃立長子之子爲嗣備禮迎女初高有婢如珪侍病者也感婦義亦不字 王懿恭陳志選未婚妻夫卒氏奔陳矢志三十年獨居小樓飲食以小筐引繩而上毀容減飾病劇沐浴整鬢瞑然端坐而逝 程正卿陳國璽未婚妻夫歿正卿素服哀號奔喪以新婦禮謁翁姑遂回母家勤紡績奉母有甘

脆必兼奉翁姑終其身 周敬諸生王巽未婚妻年十二母歿外戚令與
兒均分奩飾女曰安忍覩此惟視父膳寒煖及哺幼弟餘無所問夫卒父
祕不使聞女偵知縞素哭五晝夜水漿不入口遂歸王門立嗣不返有表
姊劉氏者亦嫠也晚年與之相依長齋事佛俱苦節終 以上明

伍氏貢生彭佐聖妻夫歿紡績課子 余氏林棟妻養姑撫子 甘氏林
鴻馨妻夫病刲臂爲羹以進不效痛欲殉以太姑幼子故勉爲未亡人孤
逾年殤又立嗣子長娶戴氏復天氏與婦矢志不二紡績糊口 劉氏林
澤妻夫死絕粒旬餘身有娠母慰勸之乃不死苦節撫孤 石琨諸生林
統妻立夫姪爲後紡績爲夫營窀穸 李氏林士鳳妻夫死截髮投棺中
誓無二志舅姑歿盡出所積營葬舅姑及夫柩撫男女成立 翁氏諸生
林宜光妻夫疾篤刲股顛天請代不效勉從姑命撫育二孤 丁氏林緯
妻夫歿絕粒七日不死承翁命撫孤篝燈課子雲龍成立 陳氏儒士林
士騏妻夫亡矢志撫三孤孝養舅姑 羅輝莊林充漢妻寡無子孝養舅

閩侯縣志 九八 列女五上

四

姑立夫兄子爲後又殤復擇繼嗣足不踰闕病不延醫 陳氏諸生林際
泰妻夫死撫三孤成立事姑孝謹 王氏林鑑妻夫歿矢志事翁撫子艱
苦備嘗 陳氏諸生林祖發妻夫病篤刲股以療不愈遂投繯以救免孀
居撫子 范氏林良誠妻夫死勤紡績以奉舅姑育孤子 邱氏林德懋
妻夫歿欲以身殉念姑老子幼矢志苦守勤紡績奉甘旨惟謹孫劍光成
進士 劉氏林仲妻嗣子星章道光丙戌進士 李氏林煥妻星章生母
李氏儒士葉長青妻撫孤銓長娶何氏而銓歿何無出絕粒投環李諭
止之相依同撫嗣作鵬成諸生何故豐隘甫入門卽鸞以紓姑急及姑歿
盡斥所有以襄事 廖氏林應鯉妻夫卒家貧廖矢志孀守病篤其子宏
裔顛天刲股飼之 鄭氏張國奎妻夫歿投環奔井俱以救免姑泣曰爲
我存兩孤乃不死族有無賴子造嫚書誣婦婦恚以刀割左耳姑與氏父
訴邑令未得白婦曰誣不白聽惡言何爲復割右耳巡撫卞永譽廉知檄
縣取狀杖無賴子論戍邊 陳氏林正裔妻于歸甫六月夫亡以女紅供

養老姑撫遺腹子振宗讀書一日歸寧外戚諷以別適氏立即奔歸十年不至父家 程氏林永畧妻撫遺腹孤紳舉明經皆程課督 温氏林在岐妻翁老家貧堂有太姑氏竭力女紅供甘旨撫孤成立 方氏林君政妻撫遺腹孤娶婦而子婦俱亡氏孤苦無依閭里哀之 程氏林元秀妻生子世英而夫卒孀守以終世英娶丁氏而世英亡遺腹生男永祿娶孫婦周氏方四載而永祿又喪乃以夫姪之子永祚承嗣 鄭氏林永壽妻夫亡子興瓊方七月矢志孀居訓子成立 黃氏林天培妻歸二年夫卒子甫八月撫孤孝養翁姑 劉氏宜陽縣丞林錦立妻夫死父欲奪其志不可卒攜幼子歸閩不下樓者五十餘年 歐氏武舉林起鳳妻夫以計偕卒於道撫孤終 陳氏林賢煙妻順昌訓導天昌女守節終 鄭氏林振基妻夫疾革乃于歸次日夫卒立嗣以節老 藍氏諸生林飛龍妻早寡姑老病氏負以出入勤紡績奉姑自採匏葉以充食督孤志仁讀後志仁舉於鄉 郭氏林伯宗妻夫亡返父家父欲奪嫁之氏買舟逸旣而立

閩侯縣志

九八

列女五上

五

嗣又殤以節終 宋氏林捷春妻未嫁時割股療母疾及孀守又割股療姑疾 張氏林廷亨妻夫兄亦同時歿氏與妯娌吳氏同心守節各撫一子 吳氏林振本妻夫病篤氏割股以進弗效勤十指以養耄姑並撫嗣子 食貧姑苦數十年 魏氏諸生林亮北妻訓子有法 何氏林元振妻與妯娌李氏稱雙節 趙氏林占芳妻與繼姑李庶姑蔡稱三節 樂氏許正冠妻子汝培戊子舉人直隸教諭 鄭氏林超捷妻奉事翁姑撫養嗣男 賡颺歲貢生 陳王使儒士楊學佐妻夫卒絕粒逾旬勉從姑命強活撫孤 林氏楊必謀妻翁姑暮景撫二孤三十餘載 李顯姐楊子觀妻夫卒孤甫四月矢志撫孤孝養舅姑 紀氏楊鏗祖妻無子家貧忍饑孀守 孝事老姑艱辛備至 林瑤葉汝棟妻生一女而夫亡勤十指奉姑與其女茹糠粃酷寒無衾抱持而泣兄開州牧遜憐之迎歸猶月弄夜績錢以供姑爲嗣子天祚娶婦 方氏諸生葉聯雲妻事姑撫二孤長弼遊庠次 案臣入成均 孫氏李若霞妻夫病割股瀕天不效事垂白翁姑撫教二

貌孤成立 陳氏李兆魁妻日夜紡績得升米以事翁姑撫子成立 林

氏諸生李德純妻夫病革氏割股調藥撫二孤長肇梅候補州牧次肇杏

明經 黃氏李天器妻撫孤子平章成立 陳氏李文鶴妻子慎修在抱

撫孤成立 黃祖姐李鍾書妻孝事翁姑撫二孤九河九江俱底成立

王氏舉人李建極妻撫孤雲龍蘇州通判 林氏李學熾妻嘗割股療姑

陳氏趙銓妻夫以耽書病瘵氏糜臂肉以進夫覺不忍食曰我天數也

所不瞑者翁姑老不及奉若能以婦代子拜賜多矣幼子洵方倚床夫復

指而泣曰此亦爾累也夫卒事翁姑克孝家貧力女紅並日而食子洵癸

巳進士任邵武教授 以上康熙間 鄭氏趙嗣猛妻立夫姪為嗣撫之成

立 張氏諸生趙颺妻子學天尤溪教諭 魏氏趙守芝妻子和燮遊庠

王氏潘士澄妻善撫三孤為舅姑營窀穸 陳氏潘大綱妻撫二孤成

立葬三世五柩 陳氏潘聖惠妻子德康婦林氏姑媳相依負土卜葬三

代柩力撫二孫 林淑蓁鄭以桐妻撫夫姪為嗣迄於有成 王氏鄭肇

閩侯縣志 九八 列女五上 六

績妻事姑撫孤艱苦備至 劉氏鄭彥棉妻事翁姑撫育遺孤 任金姐

鄭乾生妻夫歿生一女亦早夭家貧百計奉養舅姑舅姑歿喪葬盡禮立

夫姪為嗣 林珍闊鄭德光妻撫子廷昊成立 林珠使典史鄭錕妻撫

孤成立 莊月杼鄭光案妻夫病焚香請代割股以進不效資女紅以供

姑擇嗣男韶華為後 陳氏鄭有開妻子醇耀甫七月撫之成立 潘氏

鄭若琬妻夫亡斷髮見志 陳氏鄭建德妻夫歿氏斷髮自矢 趙氏鄭

允友妻夫以痼疾辭婚氏請歸鄭以侍湯藥 伍氏王履泰妻矢志撫子

竭力為先人營葬 陳氏王枚功妻為夫存嗣營葬翁姑及夫柩 以上雍

正間 陳景源諸生王延璉妻夫病割臂調藥不效矢志撫孤姑疾侍湯

藥罔懈 李氏王爾光妻出十指力供菽水撫三孤孫景賢舉人 曾氏

王瑾甫妻撫三孤長騰卿次爾雅季馴卿俱克成立 黃氏王君盡妻遺

孤幼氏鞠育至長娶婦林氏而子復歿與婦共撫三孤 蔡氏廩生王鴻

烈妻家貧舅姑已老矢志撫遺孤紹基 張氏王德運妻生子四月而夫

歿舅姑已老仰事俯育子娶婦復夭與婦黃氏撫孤長成 張氏王國巖妻夫亡斷髮矢志 何氏王廷傑妻夫亡再投繯俱救免復投井援之以肱橫井實不出姑泣曰如不出我相繼下乃出 梁氏王幹妻夫歿孤甫六歲勤女紅以奉舅姑後營葬二老及娶媳皆以身任之 張氏王其藻妻未育男女或勸改適氏矢志不渝為夫立嗣 林氏諸生陳君式妻事姑與庶姑撫三孤俱成立 吳氏陳宏木妻子文煥病婦鄭氏割股愈之逾年病劇目鄭曰吾母早歲孀居撫予以老今爾亦僅一子母子之命皆係於爾乃承遺命撫子成立 鄧茂鸞諸生陳一棟妻一棟隨父之官卒遺孤兆盛甫三月訃聞氏欲殉因姑耄奉姑撫子歷節六十年 吳氏陳正暉妻撫孤孤殤擇嗣督課有成事舅姑以孝聞 游端宋陳大亨妻時方征興泉大亨往軍前獻靖海策奉巡撫吳興祚委回省過烏龍汀遭風溺死氏尋夫屍沿江哀哭屍浮出氏收斂畢即欲投水以殉從父命撫孤教授女徒以資饋粥屋被火戚屬鳩金為營數椽氏以姑及夫柩暴露復閩侯縣志 九八 列女五上 七

賣屋營葬娶婦王氏割股以療氏病 張氏陳士俊妻撫孤禮珪又歿媳張氏亦矢志奉姑課子成立 王淑桂諸生陳守仁妻知縣王欽祖女夫病篤氏刲臂和藥愈之越五年得一男而夫卒年二十六事翁姑哺孤子備歷艱辛 林氏諸生陳必奮妻夫亡屢投繯被救勤十指撫三孤奉舅姑必以甘旨而自食糲糠野菜二老歿拮据營喪葬次子光泰舉於鄉歿婦李亦節終 林氏陳尙猷妻撫養孤兒 朱氏監生陳春升繼妻割股療夫不效完節終 劉懋資陳肇祉妻夫故僅二女姑老目瞽氏孝養備至撫二孤女長成擇配訓嗣子成立 劉氏諸生陳士琳妻以義方撫三孤後皆遊庠 林淑朝拔貢陳治溥妻夫以選拔入都病故撫姪為嗣事舅姑克孝 俞氏諸生陳清江妻典鬻服飾營翁姑葬撫育嗣孤以女紅自給 林氏陳瀚侯妻姑老病奉侍惟謹撫二子成立 游氏陳龍峯妻撫育二孤成立 張矜貴陳康珩妻擇嗣承祧事老姑孝謹彌篤 江氏陳衣萬妻夫死於水盡力事姑嗣子初週撫之成立皆從針黹中出 柯

氏陳文滙妻事祖姑與翁盡孝幼叔未婚氏提挈之 阮氏陳長庚妻遺腹孿生養老姑撫孤子孝慈兼盡子文炳有聲庠序 李氏陳道泳妻與姑林氏共矢苦節 姜氏陳廷美妻夫疾割股以進不效投繯以救免官氏陳錦章妻投繯被救以刀斫面立嗣士鰲復天與婦梁氏同守 翁氏陳恒商妻夫患闇疾歸後又寡既而嗣子又夭哭喪明 吳氏陳仲業妻割股療夫不效 吳氏陳眷蘭妻夫歿割股療姑疾 謝氏陳道泉妻子瓊宴舉人 余氏諸生陳廷燮妻嫡子賡元嘉慶戊辰進士 林氏陳必貴妻子起鳳臺灣千總 馮氏貢生陳錦堂妻通經籍明禮教課子奉姑孝慈兼盡 方氏謝人騏妻事翁姑盡孝撫遺孤紡績佐讀 王氏謝宏水妻夫亡遺腹有娠乃強活既生男復天擇夫姪爲嗣力貧事舅姑葉氏諸生陳聯芳妻夫卒家徒壁立氏女紅撫孤姪生半月失恃氏撫猶已出子姪俱成人 蔡氏監生陳日輝妻夫卒督二子成人 林氏陳敦夫妻年二十二寡事姑教子守節終 曾氏武生謝琦妻夫卒子欽明方

閩侯縣志

九八

列女五上

八

五歲饘粥無資躬操作治生產奉舅姑撫孤守節 林氏謝克聚妻夫早

天矢志撫孤 陳氏謝齊彬妻子國標守備 翁氏張士亨妻矢志撫孤

林品官張繼及妻夫天矢志撫孤有成 劉氏張得器妻夫亡孤又歿

與媳郭氏相依 齊氏張建成妻食貧撫孤成立 吳德臻張隆妻夫病

瘵卒氏鍵戶自經爲姒所救撫夫姪履謙爲嗣 陳氏張彥妻夫歿奉姑

育子 柯氏張能容妾生子八月夫亡家貧嫡利其嫁以自養柯泣曰妾

朝去孤必夕亡如主何乃蓬首椎髻日裸孤兒出傭舂作樵汲得錢數十

或米屑糝糠歸以奉嫡 湯氏張開子妻夫亡以未立嗣四柩未葬忍死

與夫從母陳相依共處一小樓陳歿後依寡姊羅姓卒拮据舉五喪以葬

林氏劉仝基妻夫卒僅一女立夫兄子爲後克底成立 王氏諸生劉

克莊妻貧寡勤紡績忍饑寒苦守三孤俱成立 林仕德劉經妻棲居力

勤以奉舅姑撫兩弱媳耄年子歿辛勤課孫 朱氏羅鉉生妻寡事姑育

子歷五十載 陳碧芝羅正楷妻夫歿矢志事翁姑撫遺腹孤兒 林氏

何茂猷妻夫卒子兆鉉五昌俱幼翁姑相繼亡氏鬻簪珥以治二喪葬三世五棺兆鉉娶黃氏亦寡兩孀相依林病篤黃籲天請代旋愈 陳景銓何裕妻事親孝且涉經史夫邁重疾氏刲股和藥籲天以身代卒不起屢投繯吞珥皆以救免水漿不沾口者七日兩家尊親泣諭之乃不死舅姑歿兄公夫婦繼卒因擇從子應舉教以讀書大成均 林氏何肇城妻夫歿事孀姑盡孝撫夫弟成立子名言名魁俱遊庠 金氏何正禧妾蘇州人夫卒於吳氏扶櫬歸閩守節 林氏監生何麗中妻幼事父母惟謹夫以兄鵬程歿一慟嘔血而卒氏長孤僅週歲次尚孕忍死撫育 周氏諸生魏開業妻隨夫僑居蘇州夫以侍翁病成疾不起尋舅又逝氏挈少孤瑛奉兩櫬閒關歸閩卜葬兩世撫瑛未冠遊庠 鄭氏吳文標妻夫亡絕粒欲殉翁姑切勸諭之強奉親撫孤竭力女紅以供甘旨孫紹驄乾隆己卯副貢 曾氏諸生吳士泰妻視夫歿畢潛飲毒姑覺救之乃拮据爲夫弟娶婦取其子爲夫後 王朝使吳元晦妾夫卒無子僅一女爲夫立後

閩侯縣志

九八

列女五上

九

撫女嫁配 林氏太學生吳鐙妻夫歿撫遺腹孤課督成立 林氏吳積樞繼妻夫疾刲股療夫不效完節終 葛氏黃宗望妻夫亡念翁無依不卽死翁歿營翁姑及夫葬艱貞苦守 王氏諸生黃志輔妻幼通孝經小學歸黃勤紡績以助膏火夫卒孤幼氏竭力孝養翁姑訓子力學有成 林氏黃紫善妻夫歿經營窻窻立嗣承祧翁姑涓澹之奉皆其女紅所出 王氏黃元麟妻夫歿無子依姑爲命姑病虔侍湯藥者三年姑歿卧柩旁者七載 吳氏中書黃儷妻二十七寡上事翁姑下撫二子長孫瑄亦早卒孫婦王氏事姑撫子能繼祖姑 陳氏國學生黃宸謨妻夫歿撫幼孤亮疇惠疇兼營翁姑葬事盡禮 葉氏黃守謀妻夫歿勵節撫孤 林氏黃祥遇妻夫歿躬操井臼織機訓子名列膠庠 翰氏周潤妻夫歿食貧勤紡績誓撫孤 江氏余子明妻二十寡事耄姑盡孝撫孤成立 劉氏余成名妻夫亡事姑撫子 張坤貞余天士妻夫歿撫藐孤長復天氏堅欲自盡以姑勸止侍姑病日夜不怠 陳氏游君禧妻夫往湖廣省父

病歸氏割股和藥卒不起投繯者三姑勸止之 嚴氏蔡克明妻寡時孤
生甫七月家貧自減餐而以甘旨奉姑歿執喪盡禮子克底有成 謝氏
蔡文績妻夫歿無子依節母楊氏女紅度日 張淑姚兆亮妻夫死無子
守志養姑姑歿殯殮皆獨力摒擋 陳氏姚得珍妻早寡矢志撫孤 甘
氏鄧得主妻遺孤六月氏矢志撫育事翁姑盡孝 汪氏鄧文騰妻撫孤
經書皆口授兄斌幸海陽憫其窮迎致之至數月曰非吾兒讀書處也慨
然歸安貧課子寒暑不輟卒成子名 徐徵蘭諸生葛得我妻喜書史事
舅姑孝夫卒藐孤四人榜楫標楷皆幼乃篝燈課子戊子兵荒族眾聚食
者數十人鄰右以無炊告者給升斗釜鍾而去 蕭氏葛開祥妻夫歿於
外氏欲以身殉因念夫臨危遺囑立嗣乃忍死擇立孝養邁姑教育嗣子
及長授室嗣復天與媳張氏撫孫 郭元謹儒士官居鼎妻夫歿投繯者
再吞金者三皆以救甦翁姑勸以存孤越四月舉一男 陳氏諸生官仁
妻夫死事舅姑撫幼子 金氏胡國濬妻夫亡撫二歲孤紡績資生 連

閩侯縣志

九八

列女五上

十

氏胡于洛繼妻夫亡事翁姑以孝前室二孤賴其撫養成立 鄭氏國學
生史炆妻力貧孝事舅姑撫三子成立長鴻基入成均季聖端登武科
周氏甘嘉雨妻夫歿絕粒旬日既念四孤無依強留視息撫育成立子昌
瀚昌滙俱列成均孫華錫領甲辰鄉薦 馬氏國學生蒲世麟妻夫歿事
姑育子 游氏季元卿妻夫亡事舅姑撫孤子 李氏杜輝然妻夫卒氏
欲死殉父母諭以姑老孤幼乃撫週歲兒養老姑 薛氏諸生高登錦妻
福清人夫病篤割臂肉和糜以進不效自經者再舅姑諭以二孤在襁乃
從命終身姑素二子有成 林氏高翹憶妻夫隨翁任所氏家居親操井
臼奉太翁及姑夫歿而太翁及姑繼之脫簪珥以營祭葬撫四歲孤教誨
底於成人孫藍珍乾隆丙午舉人官知縣 林氏高得洋妻夫患瘵將婚
而病革氏慨然往歸夫亡以夫兄子爲嗣 陳朗馨梁道敷妻道敷早世
遺孤始晬氏投繯者屢後從翁姑撫孤之命姑病篤割肉和羹以進愈之
孫其光已酉亞魁 黃氏諸生邵文光妻夫疾篤囑曰家貧孤幼惟汝是

依氏截髮以示信 陳球玉諸生邵天麟妻夫歿未有子立夫兄次子輩
爲嗣紡績撫養篝燈課讀輩聘洪氏輩復天女守未婚之節 周氏邱醇
妻夫疾篤刲股和藥以療不效事老姑撫孤子以節終 林氏邱國祿妻
孀守紡績以奉姑嫜撫後嗣慈而能教 何珠官翁長邁妻夫卒投繯欲
殉以救免孝養舅姑擇夫姪國章爲嗣撫育督課迄於有成國章及孫大
臻俱庠生 李氏翁學射妻夫逝撫遺腹孤廷弼女紅度日教育有成
任氏翁賢豪妻少嫠且貧姑慟子得痼疾氏抱持孝養及舅姑歿夫弟正
芳繼亡與妯同守苦志勤女事自給不受人賙 陳氏董孔亮妻孔亮歿
子文德娶婦陳氏四載文德復亡姑媳相依以終 黃氏沈學源妻撫遺
腹孤秉鈞成立孫孚舉登嘉慶戊午鄉榜 李燦官董景明妻夫卒忍死
撫諸藐孤迄於成立 任氏董養浩妻夫歿孀守刲股療姑疾 陳氏董
啟進妻子文駒進士福寧教諭 葉氏金極妻夫亡家貧孝事舅姑力撫
二子 李氏施協思妻夫亡奉姑嫜撫藐孤 何氏薛廷佐妻廷佐病療
亡不欲生以遺孤在腹勉從族勸旣而生男家計蕭條上奉二老下撫遺
孤翁姑終喪葬皆從十指中山玄孫朝標進士 李氏許宗茂妻宗茂征
林爽文陣亡 林春使郭均妻夫卒姑年逾七旬孤甫七月氏養姑哺兒
自奉常缺紳士欲爲請旌不許 蔡氏諸生郭文芳妻夫卒方孕數月哀
毀不欲生姑慰諭之乃止竭力奉養撫遺孤成立未幾孤卒復撫孫有成
鄭氏曾孫驥妻驥遭疾氏鬻釵珥以供醫藥又刲股以進夫歿辛劬撫
孤以至有成子思謙占魁俱國學生 紀氏蔣邃妻撫夫姪廷璣以繼夫
嗣 王雅宋莊東守妻東守卒子宗洙幼氏撫遺孤卒底於成 林淑齋
莊篤培妻舅爲萬州守以辦賑卒於塗篤培哀戚得痼症姑陳氏亦憂鬱
痼疾支牀氏奉醫藥不懈旋遭姑與夫喪措理皆如禮遺子週歲女紅自
給以姑及夫柩未葬十餘年乃克葺事 朱氏龔繼嘉妻夫闔疾旣娶卽
出外不返氏勤十指自食夫死姑知其猶處女也相持慟哭爲立嗣 鄭
氏丁淑珠繼妻撫孤成立不幸子聚康暨孫同書俱早亡唯節孫婦藍氏

及曾孫二人晨夕相依 潘守素孫大樽妻幼通論語及孝經列女傳夫
亡遺腹孤興瑞紡績撫養及曾孫德樹生氏始卒臨終有句云敢道苦心
天不負眼看四代送予歸 林氏鄒嘉伍繼妻與妾鄭氏姑楊氏稱三節
黃氏藍廷獻妻夫疾割股以療不效完節終 陳氏外委唐起龍妻起
龍奉檄赴泉被害與妾馬氏以節終 陳瑞玉江位三妻夫病篤割股以
療尋愈越兩載疾復作復割股療之竟不起力貧以養舅姑撫遺子 董
月官江一龍妻夫病革囑之曰吾有老母幼姪無恃且先世未葬汝其勉
之矢志養姑撫孤營瘞五棺爲夫姪畢婚 陸氏徐邦楷妻家極貧讀書
積勞卒臨終謂氏曰予不孝不能事吾母汝能奉姑吾目瞑矣氏泣受命
姑病氏顛天減年割臂和藥以進 方氏利朝和妻夫歿遺腹一孤不育
家貧奉姑孝謹姑歿依寡姊以居 周氏宣洪祚妻夫歿勤女紅奉姑指
据營葬兩世 吳氏聶國書妻奉翁姑撫兩孤成立 蔡氏林國瑾未婚
妻許字國瑾未婚夫卒氏縞素歸林立嗣子而撫之凌雲入郡庠有學行

閩侯縣志

九八

列女五上

七

李定宋林秉寬未婚妻約婚秉寬未幾夫卒母恐其殉也祕之越數載
有求婚者至駭而問之則夫死已久矣定宋撫膺大慟奔赴夫家不肯歸
立嗣撫之成立 翁瑞玉林大志未婚妻許字大志大志卒卽潛咽金屑
以救甦復投繯父母力勸之乃素服往林守貞 鄭氏林世澄未婚妻聞
訃奔喪不返立嗣守貞 張淑貞林搏宗未婚妻幼學吟有梅花有骨自
禁冷之句及笄聞夫訃請奔喪泣曰此去非母大故不返矣後聞母疾革
割股肉爲劑緘致之家貧常絕糧外氏餉以米推以食其姑與家人託病
不食 陳氏林以潛未婚妻許字林未婚而夫卒訃至父母祕不與聞適
有婚帖置寢室女驚異裂其帖乃屏居一小樓斷髮茹素父母歸之林
盧氏諸生王侯助未婚妻許字侯助夫卒奔喪爲夫立後 薛氏王大標
未婚妻福清人夫亡乘間投繯爲家人救免矢節撫嗣 鄭氏王履咸未
婚妻未婚聞夫訃投井被拯夫家貧甚依母以守年逾四十夫族爲擇嗣
迎歸未幾嗣夭 鄭氏陳九疇未婚妻年十八聞訃投繯父母勸諭不從

乃送詣夫喪次太姑以立孤諭之乃立仲氏之子爲後 魏氏陳克呂未
婚妻夫卒女誓不嫁侍母機杼資生復爲亡夫卜兆 劉淑端曹秉乾妻
夫病刲股願代將革承遺命爲夫養親撫子 林氏曹日任妻撫四孤成
立長鵬舉郡學貢生 彭貞陳霖祥未婚妻粵人霖祥卒誓不嫁願奉母
以老 潘淑珠楊宗修未婚妻夫喪欲死殉翁姑勸之曰死易節難乃爲
夫擇嗣 何宜西周尙隆未婚妻夫歿或諷以輕塵弱草氏矢志愈堅奔
喪於周擇賢繼後 陳氏趙大賓未婚妻聞夫訃奔喪立嗣撫之 黃氏
李鰲未婚妻夫亡奔喪撫嗣 林淑坦諸生嚴棟未婚妻棟卒聞訃淑坦
奔嚴門哭奠卽自經以救免立姪爲嗣 鄭氏莊澤未婚妻聞夫訃誓養
母終身母病刲臂以療母歿歸夫門立嗣 郭氏劉茂獻未婚妻祖母疾
氏刲股療之未行聞夫訃歸其家立嗣以終 莊九畹字蘭齋吳暉未婚
妻靜慧能詩暉歿氏與母氏煢煢相依二十餘年更爲姑及夫營葬著有
秋谷集 陳氏朱泌光未婚妻泌光隨客泛洋歿海外氏感夢覺有異詭

閩侯縣志

九八

列女五上

三

得實父母將爲議婚氏乘間自縊救甦旣而議益急氏割腕肉自誓乃止
姑歿請奔喪以素服入門易經旣卒哭以夫室湫雜復返母家又嘗割肱
療母病卒乃歸夫家以女紅積貲爲嗣子娶婦生二孫 范淞清夫病篤
氏聞自請歸視次日夫歿家貧通章句以訓蒙度生 劉氏郭景陽未婚
妻景陽初與婢生子棄之未婚而歿氏奔喪爲贖其子撫之以長 郭鏡
姐高天寶未婚妻婚有期夫歿矢志殉烈或解之曰殉義不如盡孝勉從
之依父母以終 李淑惠倪乾未婚妻夫歿氏辭父母歸夫家孝事舅姑
擇嗣立後 沈氏黃國綸未婚妻夫亡卽歸黃稱未亡人 洪氏邵鞏未
婚妻未婚奔喪與孀姑邵天麟妻同守節 林氏馮椿芳未婚妻夫歿登
門守節家貧力女紅奉衰翁撫嗣子 莊姝官翁倬章未婚妻聞夫訃哀
號欲奔喪眾沮之在母家守節歿以其柩歸葬 陸氏監生陳苞年妻子
廷毅將樂訓導 楊氏陳一鑑妻嗣子友善咸豐己未舉人 葉氏諸生
林懋杰妻嗣子齊霄諸生 劉氏諸生曾鏘鳴繼妻歸夫已病篤日侍湯

藥八閱月夫故嗣子鏞同治壬戌舉人 鄭桂英楊有塘妻子紹先諸生
張氏宋子炎妻夫溺死氏耐貧守節 陳氏外委趙福祥妾子光紹任
福州府學訓導 陳氏任商繩妻子廷標守備 許氏監生薩玉瑞妻年
十九寡嘉慶間所居火守姑柩而殉嗣子大文道光庚子舉人 江氏陳
伯銛未婚妻聞夫訃矢志守貞 彭氏郭爾昌未婚妻夫卒奔喪守節事
翁姑撫嗣子悉資十指 吳氏林占春妻子上青生甫三歲夫歿藉針黹
維持家計上奉姑下撫子孫德藩入庠 蔡氏閩縣人歸同里鄭方溪六
年而方溪病刲臂以療卒不起欲以身殉念姑老子弱於義不可乃茹苦
食貧以事姑撫子爲己任鄭氏先世名大謨者以進士出宰河南遺宅在
邑之朱紫坊子孫聚族居其後屋別賃一鄭姓同治丁卯五月夜鄭氏不
戒於火舉室驚惶蔡氏以姑方寤睡急呼醒掖之出忽失姑則復入檢物
時火迫姑寢室蔡氏冒險負以出正苦焰張復有板徑丈塞其隘卽推板
以壓火奪路出旣出衣燬其半面亦如之而姑無恙者則初出時念姑在

閩侯縣志

九八

列女五上

古

背火必先及故退行以己面火其處猝安詳如是事定知痛有教用茶葉
渣敷者試之果效性慈而貌嚴待人有恩有過輒面斥之母家乏嗣二親
久不葬泣任窀穸族人義之爲置後丁卯之火同室死者二十三人脫金
簪益稱貧助其殮命子學清集同人剏產糧踵行者於今未替學清邑諸
生教讀見重於居停館穀較豐悉以奉母故母得所施與焉 李氏父鵬
飛氏年十六歸楊維鉞維鉞早卒氏年纔二十一楊本故家籍侯官族兄
弟族姪維城維屏廷傳輩皆通籍然稍疏遠氏食貧撫孤堅守六十八年
壽終及見曾孫長成樹莊位至海軍部長兼海軍總司令福建省政府主
席樹韓官上校江元艦長 陳氏李氏孫婦也父兆崧年二十歸建洛二
十七歲而寡無出立樹莊爲嗣撫之成立而氏卒於光緒癸卯年僅三十
有六 林氏陳景唐妻咸豐間年十七適景唐未及一稔夫故夫兄舉人
景陶憫之以其子贊勳承其嗣時家貧如洗以女紅撫子娶室生孫卒
鄭氏陳德懋妻幼從父讀通文藝長精女紅德懋貧而能文不達以療歿

氏生二子皆天欲殉者再姑曉以大義乃力作鍼劑以所入節儉持家足跡未嘗出戶垂三十年夫兄以子嗣之旋以積資娶媳年事既老乃傳事輟工及抱二孫年七十而終 王銑官翰林院待詔陳鏡潮繼妻年十九于歸逮事祖姑及姑孝養備至鏡潮光緒辛卯秋闈得咯血疾浸入沉瘵銑官顛天願以身代私割股和藥以進卒不效欲殉者屢其姑勗以撫孤始強起視事子世彬知長樂縣事孫代和任閩侯地方法院檢察官皆親見之 李昭成都人四川知縣林振榮妾少知書精女紅生一女芳通文墨振榮年老引退下三峽舟次病大作昭割臂肉和藥且祈天減壽十年振榮竟愈時年七十三也家居十年八十三卒時昭年方三十餘振榮無子罄官囊購屋三楹而已昭拮据苦節晚年皆芳孝養之九十歲而卒 李氏適陳孝繩孝繩多病翌年瘵疾卒氏覓死者再戚鄰環責大義乃強起擘畫喪葬嗣一子翼庭課子事姑以女紅維家計姑晚得痰喘症晝夜不寧氏抑搔理湯藥衣不解帶者累月翼庭劬學頗有聲於時未幾又夭

閩侯縣志

九八

列女五上

五

未婚媳蕭氏 蕭氏許字陳氏而翼庭病且死前一夕氏在室忽心動涕交于頤明日婿家來報喪母迎門止之氏已覺據枕而哭屏櫛與食飲者五日其母哀之爲請陳氏許其嫁殤以守顧陳家貧不時具禮其秋氏比舍火垣短火盛聲隆隆然氏登床正襟危坐麾母兄出火陡折而西女室獨完陳氏感其異舉家來迎擇族中子器爲嗣時家計益窘器教養之資多賴戚友不足則仰給於氏之十指平日於器雖愛憐備至而課讀甚嚴稍有過失則嚴詞厲色不稍假借器年十八而氏卒與祖母李氏相依爲命李年六十染疫卒器畢業北京大學精德文爲教授有名 林氏儒士馮椿芳未婚妻夫歿登門守節斷葷茹素家貧力事女紅奉翁撫嗣子鄭氏莊永昌妻夫死事舅姑撫幼子孝慈兼盡刻勵清苦守節 黃氏王廷邦妻夫故立夫姪爲嗣家貧撫養成入爲之娶婦 林氏陳務規未婚妻年十五字於陳母家病疫死亡相繼貧無立錐除夕父某輿歸陳將行嘉禮而務規病瘵沒氏親侍湯藥料理殯殮後以未亡人自居姑百方虐

之氏藉女紅度日昏去頭上瓦一二片偷隙光以添線撫一子無力僱乳
媪乃嚼米汁以哺之不育又撫一子至於娶婦 陳氏鄭欽學妻孀守竭
事舅姑至老不怠 林氏鄭憲時妻家貧孀守竭力奉姑內外無閒言
林氏鄭祿敬妻祿敬充當海軍頭目中法之戰陣亡林孀守事姑至老不
怠 賈氏黃運寅妻未于歸而寅亡賈矢志靡他登堂拜翁姑奉侍維謹
楊氏祁振芬妻振芬死貧無立錐之地氏矢志靡他入門孝翁姑 藍
氏曹士德妻夫亡貧甚親郤欲奪其志則號痛自搗鍼荷度活并日而食
連氏張宏洄妻宏洄患足疾常臥床不起氏奉侍十數寒暑無倦容宏
洄没子宗輝方五歲依母家爲生氏以女紅所獲資供學費朝夕嚴督之
讀宗輝稍輟學則含淚道之不加鞭撻後子孫皆有成立 鄔幼蕙適楊
天細於同治間年二十三歲卽喪夫矢志守節上事翁姑曲盡孝道 孫
賽金光緒間適楊友冠年二十三歲生一子甫三閱月卽喪夫松筠勵志
上事老姑無微不至撫幼孤飽受苦辛 以上節

閩侯縣志

九八

列女五上

六

賈蓬萊國史檢討賈中虛女知書善吟兼工書畫嫁治中上官守愚子粹
舍上官氏故揚州人粹舍才學名一時當道有欲薦用之者蓬萊以方今
四方多警不宜遠違父母爲勸不果行已而守愚卒明年爲至正壬寅盜
起粹舍挈眷遠避一門被害獨留蓬萊一人不殺蓬萊知不免給賊以瘞
葬夫骸願相從賊喜拔佩刀掘地瘞粹舍蓬萊乃奪刀自殺曰今而後可
以得死同穴矣賊怒徙葬蓬萊於二十步之外久之兩墓上生樹相向連
枝交柯人呼爲連理冢粹舍嘗序蓬萊詩集曰絮雪不傳 以上元

方氏趙天麟妻嘉靖閒倭入長灣夫出禦舉家浮江賊突至舟驅天麟父
母入水氏與天麟妹坤淑同時投水死 葉七娘翁文禧妻隆慶閒海寇
劫其鄉擄男女七十餘人葉不行刃迫之呼曰吾死不從賊斷其兩臂官
爲給葬 陳氏林霖懋妻夫卒氏絕粒數日投纆死 馬氏林鳳儀妻瓊
州人夫客粵娶之旋聞家貧甚旣而夫病數月度不起氏出簪珥爲治喪
費先一日自盡鳳儀次日逝 何氏王琪妻海寇圍城氏抱幼子被執脅

之登舟不從罵不絕口身被七鎗子匍匐哭屍上後乃裹屍歸葬 林珠
姐王定鼎妻夫歿自縊以從 劉蕙姐指揮使胡上琛妾丙戌三關下上
琛奉母長樂與妾還郡曰吾行殉國矣蕙姐曰妾何難殉王乎城下之晨
具湯沐煮鉤吻酒以待少閒上琛衣冠束帶坐堂上妾西向坐舉酒先飲
引滿而絕上琛亦舉三觴而卒蕙姐遺詩壁上有死忠君得所殉難妾安
辭父母恩何報泉臺只此悲之句 吳氏曹國輔妻夫赴江右病卒氏聞
訃急覓人舁棺歸將小祥服毒死 王尾金徐應亮妻寡而貧甚有憐而
餽之者悉不受僅以女紅受直其女許王家不納聘期膳養終身後不如
約女泣訴氏方食廢箸一慟而絕鄰人殮之 倪氏董緒妻夫歿後立嗣
並置祭田畢即絕食遺命以素服殮家人欲緩其死置幼女其懷呼之不
應而逝 喜妹自見妾俱佚其姓自見以不肯薙髮赴刑女甲姐十歲慟
父亡悲號不食死既而邏卒逮喜妹喜妹脫簪珥沾酒醉卒從容投河死
陳氏鄭應榕妻夫歿投縵殉 張氏盧朝特妻夫歿投縵殉 陳氏張

閩侯縣志

九八

列女五上

七

子卿未婚妻長樂人許字子卿卒氏自盡以殉 鄭坤玉陳清未婚妻夫
病篤氏請探病母止之幾自刎遂奔陳不歸與姑同寢食割股奉夫調藥
不少懈俄陳病將革垂涕顧氏以母相託而逝次年姑病復割右股調藥
姑卒女輒拒飲食殯姑畢遂投縵逝 鄭瑞華程章緘未婚妻許字而夫
卒偵知凶信遂盡散環珥遺家人迄晚嚴妝自縊 林永官施錦未婚妻
于歸時夫病甚氏割股呼天不效尋立後遂營葬同穴從容而逝其家尙
有龍姐者先以烈著 方氏二女佚其名以抗賊被刳 鄭鸞英幼許字
谷姓谷姓貧不能娶父母欲奪而嫁之遂自酖死 方臻金許字邵汝舟
未婚邵卒女自縊死 以上明

羅氏湯彥遠妻羅有妹幼孤依之順治戊子大饑氏爲賊獲將污之不從
被殺彥遠與羅之妹出救寇欲污妹妹指彥遠給賊曰此吾父也求釋之
願爲夫婦寇駕舟送渡江舟將近岸妹赴水死 鄭氏林國發妻有周申
者強污不從潔身死 陳淑莊林立元妻夫死自刎枕尸死 王氏林廷

綱妻夫歿無子祖姑相繼歿氏往哭於夫叔之家大殯訖自經死 王允
靜林鐸妻夫死氏抱姑向夫屍躡踊殯畢願就殉姑力止奄奄卧棺側期
年死 鄭氏林恬仁妻嫁一年夫死無子氏哀慟幾絕喪畢拜訣舅姑父
母及諸妯娌從容縊死靈前 吳氏林以宜妻夫亡痛不自勝越月餘自
縊殉 蔡顯姐林用泰妻夫家貧沾療疾氏侍奉無倦容夫卒無兄弟翁
年七旬病卧六年氏親滌厠膾復賃舂以供養翁死丐族戚贈棺衾殯翁
畢投縊逝 郭氏林枚妻夫卒撫孤七歲殤抱兒屍號哭令勿槥曰待吾
翼汝於棺中既絕食九日不死請於父以次日就縊晨興櫛沐叩兒槥曰
母來也結縊而死 陳氏林美照妻夫亡無子氏急欲從死舅姑諭以小
姑婚期將至無重二老戚乃忍死爲治匭具小姑歸二日投縊死 郭元
美林有馨妻嫁未半載夫亡從容就義死 鄭氏諸生林授繼妻夫死氏
絕粒十餘日死 方氏林某妻林以鬻餅爲業合盞次夕暴卒氏急欲從
死居停主人禁之乃趣就餅肆自縊 游玉仙林盛穆妻夫患癆疾數載

閩侯縣志

九八 列女五上

六

氏長齋侍藥及卒未殮氏慟仆復蘇請罪母前自經死 薛氏林朝瑞妻
于歸一年夫以療疾卒氏假沐浴縊以殉 李氏林有信妻夫亡嗣天遂
自經 黃氏陳文賢妻歸陳未幾而夫病刲股和藥以進及卒卽於是日
自經 程氏陳廷鐸妻夫航海貿易歷五載音耗不通既而訃至號慟哀
毀數日乘間自縊 葉氏陳志學妻志學業儒未就又家貧無子偕友賈
於外旅死訃至氏投縊殉 鄭氏陳可農妻視夫殮畢曰吾舅姑既死無
子何以生爲遂自縊 黃繡端陳長立妻夫病歿無子立夫姪慶泰爲嗣
乘閒投縊自縊 許氏陳文妻夫墜巖死氏覓屍巖下昇歸葬同郡人謀
欲娶之氏佯諾入室縊死 何輝官陳士敬妻夫爲兵所辱蹈江死氏聞
訃仆地及昇柩還葬遂投縊 林氏陳宏觀妻夫病顛天求代不效投縊
殉 何氏陳思光妻夫患惡疽氏爲吮毒及歿持喪至大祥自縊死 葉
氏陳宗標妻姑周氏早孀撫宗標爲嗣及宗標歿氏自縊殉周莞然撫孤
孫以終 羅氏于總陳鴻猷妻夫從征林爽文陣亡氏自縊 楊氏諸生

陳霖妾夫亡殉烈其嫡游氏亦年少艾矢志人稱一門雙烈 李氏陳東
生妻夫亡自縊 陳氏鄭子拔妻歸鄭甫三年而夫病篤籲天期以身代
及死殯殮畢雉經以殉 詹豫官鄭世甄妻夫死順治戊子隨翁避地吳
航寇至赴井死 陳玉姐鄭伯紹妻食貧與母相依贅伯紹爲婿甫一載
伯紹溺陽歧江死氏走哭江上覓夫屍仍織蓆給母如是者四旬屍弗獲
遂自縊 吳氏鄭書珍妻連江人嘗割股療母疾及夫歿哀毀二年卒
陳氏鄭廷椿妻未行夫患瘵垂危氏自請歸侍入門三日夫亡哀毀二年
卒 郭氏鄭朝善妻夫歿氏父母欲奪其志氏投縊殉 梁氏鄭興楚妻
夫卒內外家謀奪其志氏投縊殉 何氏王徽五妻夫病鬻簪珥爲藥餌
資徽五死氏飲泣絕粒投縊卒 甘氏王昌球妻古田人于歸數年夫亡
無出盡斥匳飾營葬擇嗣畢徧拜戚族整衣以帛覆面懸梁逝 李氏王
紹鳳妻夫亡無子嘉慶閒殉烈 張氏王鎮茂妻夫卒氏自縊死時王姑
李氏姑某氏俱早孀張死孑然以窮罄終 方淑珪王瑞成妻瑞成卒於
聞侯縣志九八 列女五上 九

外樞回爲夫立嗣治喪畢夜自經死 楊淑冕王傳璧妻夫死自經殉
楊氏王宏猷妻于歸後勤事女紅夫病瘵卒憑尸踊哭後月餘自縊 李
氏王朝奇妻夫亡自縊 李氏王某妻年二十殉 王門二女俱佚其夫
名長適某五日夫賈於外逾五載亡氏自縊次適某夫歿亦自縊去姊死
僅二十日也 張氏李應銓妻年二十寡順治戊子逃寇山中被擒寇欲
污之不屈而死 陳氏國學生李基妻夫亡痛哭拊心投縊以殉 蔡如
珍廣州通判李光瑚妻知書耽吟隨夫之任戚然有思歸憶親詩嘗割股
療姑疾夫病亦如之夫卒無以歸櫬謂嫗曰我將死之或者有憫我者飲
我夫柩歸舅姑亦得返里乃冠帔拜堂上投縊死無子有焚餘集一卷
楊氏李文清妻夫卒誓不獨生卽絕粒投縊死 王淑玉李大年妻夫被
盜死於寧德訃至氏痛不自勝服喪百日絕粒不食投縊死 葉氏李世
河妻夫患病瘵氏傭縫紵供藥餌及夫歿仰藥死 王氏李道尊妻少嫠
父及夫家俱勸以他適氏不從投縊死 楊氏方廷蔭妻嫁甫二日夫爲

繼母所迫赴水死氏痛夫死非命投江者再遇援不得死日夜哀泣繼姑欲奪其志以氏配已所生子廷賡氏不從怒欲鬻之外鄉而甘心焉氏苦無依營葬嫡姑畢遂投纒臨歿囑祔葬於嫡姑墳旁鄉閭憐之鳩金助殮事聞布政使趙國麟爲懲廷賡等 陳淑德方秀範妻夫病卒氏絕粒不食治喪畢自經 林紅玉鳳山教諭葉夢苓繼妻從夫之官林爽文之亂賊陷鳳山夢苓率子殿材殿豪殿傑與其徒莊德明糾義勇禦之俱被害氏聞變投纒赴井刎到俱以救免月餘乘閒以手扼吭死遺一子殿英襲世職 林氏葉文樞妻夫卒慟哭數聲入房自縊 林瑄官葉敬安妻夫夭氏卽日自縊 莊氏葉廷翰妻夫亡無子赴池殉與夫同日殮 陳氏葉海欽妻夫亡氏咽毒不死卒自縊死 王氏葉伯光妻夫亡無子氏咽砒毒被救忍死養姑十九載姑歿氏自縊 薛氏劉浩修妻夫卒氏閉室投纒其母與姑奔救復甦越六日凶服成竟自縊 李氏監生劉煊妻以夫苦學多疾勸援例應試旋夫歿無子絕粒十六日死 陳安官張愚繼

閩侯縣志

九八

列女五上

三

妻隨夫徙永陽夫病卒絕粒六日至中夜衣白衣縊死 鄭氏張長璣妻姑死夫繼亡盡棄器物爲夫殯殮父母憐其年少無子促歸改適氏欲自殺乃止越兩載爲夫與姑營葬又爲擇嗣乃自經死 王氏鄒時煒妻夫客外歿於寧波訃至佯爲無憂戚形暗措衣衾就縊 翁氏外委鄒朝義妻夫歿於外喪歸氏投纒者屢以救免卒破磁割喉死 陳氏鄒居仕妻少嫠撫孤十三歲又殤氏自縊而死 林氏郭繼汾妻夫嗜飲好遊得嘔血病猶不改婦苦諫繼汾怒婦脫簪珥爲湯藥費夫歿撫屍慟哭卽日投井死無子 鄭氏周以元妻夫卒於寧波訃至遂不食妯娌苦勸不從竟投纒殉 江氏朱道圭妻夫歿氏水漿不入口後三日見舅姑請立嗣自縊死 陳碧玉邵友臺妻幼習女史將歸夫病劇父母羈不使行氏自矢不貳歸八月夫亡投纒死 陳氏邵某妻爲強暴所逼不屈自縊 王氏吳元珠妻乾隆丁卯夏疫舅姑與夫相繼歿遺孤一女二逾月孤殤所親勸他適氏斥之決計殉將死懼女啼鄰覺左抱乳幼女右挽長女立膝前

白縊死夫黨排闥入猶挽抱二女如生時與夫合葬焉 陳氏吳孔特妻
勤儉持家事舅盡孝夫病篤刲股以療及夫歿營葬事畢投縊死 甘氏
吳宗開女夫亡氏絕粒死 曾氏吳敦震妻夫亡氏投縊殉 汪氏何恒
銘妻夫卒氏作絕命詩不食死遺繡餘草一卷 王氏黃冠妻夫卒氏引
薙髮刀自裁不死以手探喉出而斷之同時與夫俱歿 林紫宋國學生
黃廷魁妻夫死誓殉恐翁姑防之乃佯爲無死意越三日投縊逝 齊氏
黃鴻志妻夫疾刲股請代不效於舊歲合昏日投縊逝 林良姐黃輝氣
妻夫歿盡鬻服飾爲夫殯殮兼營葬舅姑畢投縊而殉 郭氏黃志葵妻
夫亡鄰婦以其不肖諷使改適氏曰如夫與翁姑未葬何遂勤治女紅十
年稍有所積買地營四穴爲夫立嗣擇期葬畢卽自縊 陳氏黃耀斗妻
夫病剖肝以進不效投縊死 趙氏黃紹勉妻夫卒遺腹孤繼殤以身殉
林氏黃某妻爲強暴所逼不屈自縊死 許應官黃景星妻夫得瘵疾
氏奉侍湯藥不倦及夫將歿預備自己殮具從容沐浴更衣迨夫氣絕卽
閩侯縣志 九八 列女五上

三

仰藥死 黃氏武舉胡守謙妻康熙間耿藩變守謙遺書於外言逆勢必
敗狀爲守城者所獲斬之郊外黃隕涕相隨於市願以身代不許乃乞其
首手綴之含殮瘞畢自具棺衾設左右位置守謙木主拜哭遂飲毒藥死
蔡鵬使楊長枝妻母病凡三刲股以療夫病復刲其右股夫卒妾子又
天蔡服金屑及投井不死爲夫卜兆有期登樓自縊 劉氏楊二酉妻夫
患瘵三年垂絕無子悲憂絕粒先夫逝 吳氏楊定妻姑亦寡諷吳改適
不可旣而聞姑欲贅里人吳自縊 鄭氏翁卿材妻夫卒氏絕水漿斃而
復生乃爲夫立嗣畢慟哭投縊 葉氏翁思寬妻夫歿無子氏日夜叩舅
姑爲夫立嗣畢投縊逝 湯嫩姐潘證妻潘事母孝氏體夫志事姑尤謹
夫早夭無嗣氏扃戶七日水米不入口而斃 黃氏潘岐甫妻夫遷福安
病卒氏鬻簪珥殯畢卽自櫛沐整衣密縫下裳自縊 劉氏潘利琇妻夫
亡自縊 鄭寧觀董孔祥妻夫以父歿哀毀卒氏投縊死 江氏董君蘭
妻夫亡投縊殉 莫氏江子韓妻夫病革莫籲天請代旣而莫死夫愈繼

娶黃氏夫復病不起黃自縊殉。陳氏江朝舉妻夫卒視夫含殮畢日惟
暇粥一甌及卒哭一慟而絕無子。王氏任宗瑞妻夫以市販爲業積貲
二十鎊俄卒無嗣又鮮戚族氏度無生理輒治棺爲夫殯盡棄所積卜地
爲夫營窆以葬期告鄉里送至窆所氏忽自殺。盧氏諸生任輕禮妻持
夫喪三月孤殤絕粒死。陳氏任延達妻無子夫卒或諷以他適氏投縊
殉。王冬使謝廷謨妻嫁逾兩月夫卒夜半投縊死。林氏施大華妻夫
亡姑病強侍湯藥及姑亡遂投縊死。陳氏蔡夢鵬妻夫亡作十怨詞投
縊死。林氏徐世任妻夫負擔爲生病卒氏竭力營葬畢投井死。王氏
晁盜妻夫抱病淹延未娶及垂危女卜日于歸躬侍湯藥夫死慟哭幾絕
不食死。翁氏石開德妻隨夫客延平數月夫卒氏嚙指血爲書貽父母
遂自經死。雷氏鄧必捷妻夫卒投縊殉。葉添使杜汝諒妻夫避兵溺
水死氏聞訃散簪珥及夫書籍於宗族自經死。吳氏薩秉秀妾夫有三
妾吳仰藥死二妾羅氏陳氏投縊被救以節終。方氏龔繼美妻夫亡無
閩侯縣志 九八 列女五上 三

出姑無依氏忍死奉姑三十一載姑歿氏絕粒死。王氏某妻夫卒遺孤
甫七歲又殤氏乃棄所積爲營兩穴自擇期投縊死。張德瑗倪廣未婚
妻順治丙申寇警氏避地甘蕉洲賊逼犯之與嫂陳氏赴水死。湯氏周
澤未婚妻澤死氏聞訃歸周服喪孝事舅姑力勤紡績積九年乃得爲夫
營葬歸夜雉經死。林氏楊輝祖未婚妻夫歿氏聞訃縞素歸楊長齋
矢志歷八年爲夫立後營葬畢遂絕粒六日卒。王慧貞楊儼未婚妻夫
卒竟歸楊拜翁姑禮畢撫棺躡踊取練自經以殉。吳淑鳳鄭國相未婚
妻夫訃至遂投縊殉。張璠官鄭如蘭未婚妻夫亡訃至哀慟絕粒以頭
觸地縞素奔喪雉經柩側。周合官鄭長開未婚妻夫卒女偵知奔喪入
門拜夫柩投縊而逝。陳蘭香鄭興鑑未婚妻夫溺死父母議改配不可
潛賄鄰兒導至夫家姑以貧不納氏曰兒善女紅可日得百錢無憂也遂
竭力供甘旨姑歿營窆窆俾舅姑合葬以其夫耐焉遂自經。王貞仙鄭
瀛洲未婚妻父業成衣貞仙代父裁縫瀛洲遭母喪七月五日以毀卒聞

於女家貞仙投纒而逝 某氏鄭爾炳未婚妻炳厄於虎女歸守節翁歿
遂自經 鄭郡使貢生鄭斑熊女順治戊子從父母避地連江居停於母
家之東園寇入投井死 江氏黃元經未婚妻夫溺江死凶問至氏拊胸
大慟遂以刀割喉父母為療之氏堅執不從竟之黃門哭見夫靈一慟而
絕 鄭氏張敬耀未婚妻聞夫訃投纒殉 方偉官張萬璧未婚妻璧母
死哀慟成疾身亡氏聞訃擇期歸張謁廟拜翁哭奠夫之靈前畢即日自
經死 黃氏陳盛棟未婚妻夫訃至氏父母秘不以聞氏覺投纒殉 徐
氏陳廷淮未婚妻夫病篤氏聞潛禱於大士未幾歿父母隱之仍擇配陳
族以泯其迹期有日矣女覺乘閒投纒而死 王氏陳德超未婚妻聞夫
訃投纒殉 林秀珠陳爾皋未婚妻夫亡女辭祖父母及父母泣奔喪先
一日馳人告翁曰必見夫請留屍待婦同殯次日往拜翁姑覲嗣子畢乃
挽小姑手步前後庭曰死後欲熟此中往來也向祭席啜杯羹曰吾今得
食陳家物矣遂投纒逝 林氏陳宗瑤妻夫卒氏聞訃殉之 王巧姐陳

閩侯縣志

九八

列女五上

三

某未婚妻聞夫歿投纒死父母於懷中得願合葬陳家五字 陳芹楷陳
公壽女也被寇掠佯告兵以瘞金處俄奪刀刎喉死 劉氏葉觀德未婚
妻聞夫訃投纒死 張氏許鴻磐未婚妻夫以勤學早夭氏聞訃自經
蒲愛姐吳肇袞未婚妻夫病夭值端午競渡父母攜幼弟往觀氏得閒沐
浴更衣揮刀自刎氣絕僵立不仆地 鄭氏吳棟未婚妻夫溺海死氏依
母家守貞織履自給有欲強委禽者氏自縊 陳氏吳茂極未婚妻聞夫
疾刎股為劑遣婢以進不效自縊 魏氏吳桂森未婚妻桂森父玉麟司
鐸鳳山以揭令貪黷謫楚南桂森省父五年不歸娶歿於外氏聞訃絕粒
十二日死當玉麟讞成也其女徽音既受聘未行亦以憂憤死 張氏王
行未婚妻幼失父母無叔伯兄弟乃歸於王依姑撫育成人夫出洋巡哨
溺於海氏自經 江宜官董道坦未婚妻夫卒往董氏謁舅姑哭奠夫靈
至晚閉戶投纒逝 鄭忠懿高擢未婚妻連江人夫卒欲為夫家服喪諸
親勸阻私入密室自經 何玉姐鄧琨未婚妻侯官人夫亡請奔喪兄以

母老請緩之於是閉居小閣事母六年母卒歸鄧召嗣男涕泣慰勉遂入室水漿不入口七日死 劉蘭官姚德榮未婚妻父死母再適夫貧不能娶來辭婚女以死自誓後有奪其志者遂自經 林耐官甘彌涵未婚妻夫死氏涕泣絕粒潛入臥內投繯逝 邵氏陶應科未婚妻夫死氏請歸陶持喪母不許遂入室解帶自經死母以其屍歸陶俾合葬焉 江秀荷廖坤未婚妻性至孝 言割股療父病夫死訃至父母祕不以聞氏偵知一日沐浴閉戶自經死 陳氏鄒某未婚妻長樂人聞訃投繯死 林氏江于特未婚妻夫死於水氏聞訃自經被救免卒仰藥死 張氏唐幹未婚妻幹爲父鬻旗人爲廝女依祖母誓不嫁旣而幹父來索聘錢女知一慟而絕 陳氏鼓山里某未婚妻夫卒女甫十一聞訃誓不獨生一日閉戶投繯死 林雁儀韓振聲未婚妻韓歿女聞訃不粒食其外祖母勸之食從容曰父在讀書嘗教女以名節其可忽乎越旬日自經死 黃氏吳積鏡妻夫卒逾月殉 陳氏吳壽妾夫亡卽日殉 王氏吳關監妻夫卒自閩侯縣志 九八 列女五上

經 金氏郭孝碩妻夫故自經 楊氏李德彰妻夫故月餘自經 游氏李汝化妻夫卒殉節 堯官權李子德妻李氏程萬卷妻倪氏王由慙妻倪氏楊開鏞妻皆夫卒殉節 石氏朱廷蓋妻嫁數月寡服闋自經 劉氏知縣陳兆鵬妾鵬卒七日殉 林氏陳文彬妻彬歿家爲立嗣小祥之日氏從容自縊 黃氏田柱豐妻夫卒殉節 柯玉瓶朱某未婚妻夫幼爲惡叔所賣女家欲以女改字女聞號泣不食爲人執爨下役積傭錢四處訪其夫如是者六年父歿母陰以女許人婚期逼前二日服毒死 鄭氏黃永倫未婚妻聞夫訃卽日殉 黃氏陳貞未婚妻聞夫訃卽日殉 十一小十五小黃維謙第三女第四女適陳葆仁陳裕馨兩人從兄弟皆海軍學生供職艦上兩人均以厭世亡兩姊妹同日仰藥死年皆廿餘歲時宣統庚戌十一年也 周合官鄭長開未婚妻自經死 劉氏鄭敏功妻夫歿子又死自經 董氏嫁陳天發一載無出天發歿葬畢卽日赴積翠庵下溪中死 鄭氏嫁吳喜官無出吳歿週年鄭自沈萬壽橋下時乙

丑五月七日越二日始得屍 潘如琴許字劉霖枝劉劬學卒潘矢歸劉以不能具禮數圖死不遂一日偕同學旅行鼓山欲墜崖不果迨劉大祥日自沈大橋越日屍出衣袋中金戒指二別紙書衣就身棺用二指環買劉氏迎歸合葬上渡山 某氏鑲黃旗太學生周良妻夫亡越三日闔戶自經 瓜爾佳氏諸生景順妻夫亡自縊 林氏漢軍王某妻夫貧無賴逼氏備乳於貴人宅不從日受窮餓撻楚既而夫鬻其子復謀鬻氏氏自縊 吳佳氏鑲白旗蘇春泰妻夫卒姑慟絕氏卽自殉 瓜爾佳氏生員景純妻夫隨侍卒於途氏聞耗投縊殉 瓜勒佳氏托雲泰妻夫卒自經以上列

余雅姐夫死於寇亂雅姐自縊殉

王油仙郭樂山妻夫業販商歿無子

議嗣定投縊 以上補

金氏胡以卿妻以卿肄業馬江海軍學校以力學咯血卒氏割股醫之無效生子基尚未匝月也撫之長成亦入海軍學校亦有咯血症轉學農林

閩侯縣志

九八

列女五七

三

而氏卒矣